

استبصار

نومرو ۲۵

بختابه

۵ مارت ۱۳۲۴

و عند الحاجة أوستريا اردولرینک مورواوا وایسی طریقله یکی بازاره کیرمک اوزره صربستاندن کچمسنه مساعده ایده جکدی. مقاوله نك برنجی قسمی اجرا اولندی یعنی برییل صوکره صربستان قرالائی اعلان ایدی و تصدیق اولتیق امرنده آوستریانك معاونتی کوردی. لیکن ایکنجی قسمده مندمج اولان تشبث اولا اوبره نوویچ خاندانك سقوطی و بلاخره دولت عثمانیه اداره سنك تحوی اوزرینه عقیق قالدی. آوستریا بوسنه وهرسکی الحاق ایتش اولمقدن طولانی حکومت مشروطه عثمانیه ایله عاقبتی وخیم باختلاف احداث ایلمکدن عتزر بولندیجی جهته یکی بازاردن چکلدی و سنجانت تحلیه سی بالاده کورلدیکی اوزره برتمویض مهم صورتده ارا میه چالیدشدی. حال بوکه یکی بازار اداره جه بوسنه وهرسکه قطعا بکزه میوب بعض نقاطنده آوستریا عسکرینك بولمنسندن بشقه اجنبی ارندن ذاتاً عاری ایدی.

(مابعدی وار)

ابن الضیا

مدنیت حاضره نك موضوعات کاذبه سی

مانه ، تهسل ، فارس

۴

اعتقادلری اوغورینه اولان و اولدیرن ، اش اوفق برشهه ایچون (احراق بالنار) جزاسنه مخصوص اودون ییغینلری اوزرینه چیقان و یا قتل عام ایدن آدملر ، امین اولمالی یزکه ، حالدن خشنود نیکبذیلر دکلدیلر . روختک سلامتی یعنی اوتکی دنیا کی سعادتق ایچون براندیشه یه دوشن ، ماورای مزارده کی حیات موعوده بی قازانق آرزوسیه برچوق فدا کارلقلر ، غیرتر ، اضطرابلر قاتلان کیمسه ، شهسز حکم ایدرکه ، حیات قانیه ، حیات جسمانیه کافی درجه ده خشنودی بخش دکلدیر .

بشریت ، قرون وسطاده ناشاد و بی آرام ایدی . مع مافیه انسانلری ،

اوزمان، احوال موجودہ یہ قارشى عصياندن منع ايدن شى، معتقدات وجدانيہ لرنده،
بوخا کدان سفلىك بتون آلامنه همان همان شوق ايله تحمل ايتديره جك برسكون
وتسليمت بولملى ايدى . كال اطمشان ايله برساعات قريبه به منتظر اولان آدم،
موقت برقنالغه قاتلانير وآدن آز متاثر اولور .

لكن انسانيت، مجراى تنكاملنى تعقيب ايتدى . وتسليات اعتقاد، اكسيلمكه
باشلادى . بردقيقه كلى كه دين ، اراق ناشادرك فكر عصياننه قارشى قونمش
برسد متين حالتدن چيقدى . بو، يك نازك بردقيقه ايدى . آز قالدى ، دوزيمزك
مخصوصاتندن اولان غصه وفتور، درت يوز سنه اول فكرلى تسخير ايدمه جك
ايدى . مع هذا انسانلر ، اومعزز خياللرني بلا مقاومت ترك ايتديلر . آنلرى
محافظه ايجون حيرتبخش برغيرت صرف ايتديلر . تسلى ويره جك برغايه خياليه
ايجون وقوعبولان بومبارزملرى ، تاريخنده (ره فورم) ناميله ياد اولونور . بو
حركتك نتيجه سي، انسانلرك بين النوم واليقظه حالى وتخيالات لطيفه لرنى عصرلرجه
مدت اوزاتمق اولدى . مع مافيه ده اوقت ، احسن برعيله اعتقادك منع ايدمه ديكي
بريديندلكك علامم مقدمه سي كورولدى . آلمان كويليرينك محاربه سي ، نعمت
فردوسى ، سفالت دنيويه ايجون برتلافى كافى كجى تلقى ايتمين واذواق موعوده
اخترادن على الحساب صورتيه حيات دنيويه لرنده جبراً مستفيد اولمق ايسته ين
نوميدلرك حركتى ايدى .

برقومك هرچه باد آباد ديهرك وهرفدا كارلنى اختيار ايدمهرك شرائط موجوده
حياتيه سنى كلياً الغايه وارده جق قدر حالنه محملسزلرك كوسترديكنى ، انجق ،
فرانسه انقلاب كييرنده بولورز . تاريخ انسانيتده ايلك دفعه اوله رق وسيع
برحركت عوام كوريلوركه يالكر رشيدنه دكل مؤسسائك كافه سنه بردن تهاجم
ايديبور . بودفعه ، روما عوام سفيله سي كجى فقرا ، اراضى تصرفنه قيام ايتيبور .
(اسپارناكوس) طرفدارانك ياپدنى كجى اسرا ، كندى حياتلرني ديلديكي كجى
قوللائمق وحيثيت انسانيه صاحب اولمق ادعا سنده بولونمايور . قرون وسطى
قياملرنده (بورز ووازى) صنفك حركتنى تقليداً بعض صنوف ، امتيازات

مخصوصه آلبانور؛ حاصلی بوانقلابی وجوده کتیرنلر، و قتیله (وودووا) و (آلبیرووا) و (هوکنوت) لرله بتون ره فورما دوری مهاجرلرینک پایدیغی کبی جبر فکری به قارشیشکل خنیا لرینی محافظه ایتک ایستین تسلیجو خیالپرستلر دکلدی. انقلاب کیرده بونلرک جمله سی واردی فقط بشقه شیرده موجوددی. بو اختلال عظیم هم مادی، هم فکری در. ملکیت افرادک شکل حایسنی موضوع بحث ایتدیکی کبی دولت و جمعیتی بر اساس جدید اوزرینه و یکی بر پلانه کوره تأسیس ایتکک چالیشیوردی. روح و جسم ایچون دها خوش شرائط موجودیت احداث ایتکک عزیمت قیامینه مالک ایدی. بو انقلاب، کندیسنه قارشیشک قویان سطحک، مقاومتی ضعیف بمض نقطه نری اوزرنده دکل، بتون وسعت ساحه سی اوزرنده عین قوتله حصوله کلن بر انقلاب، بر باطلایش ایدی. بو باطلایش تشکیلات اجتماعی نکل بتون چرچیوه سی پارچه لادی.

بالجمله موضوعات و تأسیساته بو درجه شدتله قیزمق و کونکندن بره سرمه یی آرزو ایتکک ایچون انلری فوق العاده مناسبتسز و عبث بولمق تأثیرلرندن الیم بر صورتده متأذی اولمش اولمق الحجاب ایدر. بونکله برابر انقلاب کیرده بعضی علامت مشهور اولیورکه اختلاله مصدر اولان حالت روحیه نکل بو کونکی حالت روحیه درجه سنده کدورت انکیز اولدیغنی تصویره بزی مجبور ایدیور. بو علامت، توکنمز بر نیکی نکلکدر.

فی الحقیقه انقلاب کیر آدملری بدینلک علندن قطعاً معاف ایدیلر. امیدو اعتمادلری، طاشاجق قدر طولو ایدی. اونلر، انسانلرک سعادت مطلقه سی تأمین ایچون صاعلام واسطه لرله مالک اولمق اعتماد قویسی بسلیورلردی. انسانده بو اطمینان موجود اولورسه مسعود اولماق غیر قابلدر. الحاصل بوذواتده، آلمان شاعری (اوهلاند)، «دنبا هرکون دها کوزل برحاله کیریورهرشی دکیشه جکدر» مأننده کی نغمه لر الهام ایدن بر شوق بهار و سحر واردی. صافیت طفلانه دینسمه بیله شباب امید و خیال اطلاق ایدیله بیلن شو حال، آتی حقنده بو حس شوق و مساره، انقلاب کیرک، احتمالک، اک شایان دقت و غریب حادثه سیدر.

نظر تدقیقك اعصار آره سنده کی شو جولان سر یعدن استدلال اولونورکه:
 حالت حاضره روحیه نك ماضیده بر منلی یوقدر . تاریخ عمومی ، بوجهتدن زمان
 حاضره شبهه یالکیز بر آن عرض ایدرکه اوده ازمنه متقدمه عالمنك دوره اختضاریدر .
 بومثالک ، چوق دفعه محسوس اولمشدر . دنیا حقنده کی افکار مرویه ومنقوله
 اسکیمش ، وقتی کچمش ، وازنرك مقامنه قائم اولمق اوزره یکیلری بولونامش ایدی
 ارتق نه رهبانك تلقینانسه ، نه مکتب تدریسانسه کیمسه اینانماوردی . هرکسك
 خط حرکت موجودیتی ، مسلك حیاتی استناد و بنا ایتدیردیکي فرضیات چوکنك
 اوزره ایدی ، حیاده دخی نه منطق ، نه معنا قلملا میشیدی . بناء علیه انسانلر ،
 موجودیتدن تنفیر ایده جك رفور و نومیدی حس ایدیورلردی . نه کندیلرنده ،
 نه خارجلرنده بر آئی (حسن) بر فردای مسمود تسلیت و یا امیدنی بولامبورلردی .
 بو بر حالت معنویه ایدی که نتیجه سی عمومیتله انتخار ایدی .

بعضلرنده عذاب فکری ، کیمیسنده مظلوم بر نومیدی ، بر یکنده برجسته جوی
 متلاشی ، اوتنه کنده بر روح ناخشنود و خشین ؛ سطحی نظر اولانلرده شک و تردید ،
 عمیق النظر اولانلرده مسلك بدینی . . . الحاصل شمیدیکي مدنیت مزك علام
 فارقه سندن اولان بتون بو اوصاف ، انحق روما ایمراطورلغنك انقراضی
 و بتپرستلکک زوالی هنکامه دهشتنا کنده متصادف نظر اولور . لکن بواکی
 دوره ماثله آره سنده بيله صوک برفرق موجوددر .

روماده امیدسنلک ، ذکا و عرفان ایله ممتاز اولانلرک یعنی بر جزؤ قلیلک
 نصیبی ایدی . عوام ، دوشونمکسزین یا شایوردی و کرچه آوان مدهشک
 عکس صدمه سی حس ایدیوردی ایسه ده بو حس ، زمانك تحمیل ایتدیکي
 بر بار خارجی قبیلندن تلقی ایدیوردی .
 زمانمزده ایسه بالعکس بو حالت فکریه ، استیلای ضیای فخر کی مدنی آدملرک
 اکثریت عظیمه سی اوزرنده انتشار ایدیور . واقعا بو بر کیت و کیفیت
 فرقتدن عبارتدر . لکن وخیم بر خسته لنی مدهش حاله کترین شی ده ، اونك
 توسع عظیمندن عبارت اولدینی شبهه سز در .

احمد صلاح الدین